

COLLECTIVITE DE CORSE

ASSEMBLEE DE CORSE

**SESSION ORDINAIRE DE 2021
18 ET 19 NOVEMBRE**

N°2021/E5/044

**MOTION
AVEC DEMANDE D'EXAMEN PRIORITAIRE**

DEPOSEE PAR : PAULA MOSCA ET SAVERIU LUCIANI À NOME DI I GRUPPI
« FA POPULU INSEME » È « AVANZEMU »

OBJET : RICUNNISCENZA DI I DIRITTI DI FIUME TAVIGNANU

VISTU u principiu di precauzione mintuatu inde l'articulu 191 di u trattatu nant'à u funziunamentu di l'Unione Aurupea, chì hà per scopu di garantisce un livellu altu di prutezzione di l'ambiente grazia à e prese di decisione preventive in casu di risicu ;

VISTU l'articuli 1, 2 è 3 di a lege custituzionale n 2005-205 di u 1mu di marzu di u 2005 relativa à a carta di l'ambiente pruclamemu chì ognunu hà dirittu à campà in un ambiente equilibratu è rispettosu di a salute, chì tutt'ognunu hà u duveru di piglià parte à a priservazione è à megliuranza di l'ambiente, chì tutt'ognunu deve, in e cundizione definite da a lege, privene l'offese ch'ella pò purtà à l'ambiente o, almenu, à limitanne è cunsequenze ;

VISTU a Dichjarazione di i diritti di fiume Tavignanu di u 29 di lugliu 2021 purtata da u « Cullettivu Tavignanu vivu », « Umani » è l'associu « Terres de lien Corsica – Terra di u cumunu », ma dinù eletti è citatini ;

VISTU a muzione di u cunsigliu municipale di BASTIA chì ricunnosce i diritti di u fiume Tavignanu, vutata u 9 di nuvembre 2021 ;

VISTU e deliberazione di parecchie municipalità di a Cumunità di è Cumune di l'Oriente, di tutte quelle cunfinente cù u situ presentitu, affirmendu a so uppusizione ferma à u prugettu di CET di Ghjuncaghju è u so sustegnu à u cullettivu Tavignanu Vivu ;

CUNSIDERENDU à dichjarazione di i diritti di u fiume Tavignanu pruclamata da u cullettivu raggruppendu Tavignanu Vivu, Umani è Terre de Liens Corsica, di u 29 di lugliu di u 2021 ;

CUNSIDERENDU chì u fiume Tavignanu hè u secondu fiume di Corsica è accoglie una biodiversità assinalata ;

CUNSIDERENDU u prugettu industriale di sutterramentu di frazi casani o assimilati, di frazi di tigliu è di terre tigliose ind'una girivolta di fiume Tavignanu ;

CUNSIDERENDU chì dipoi l'affari detti di l'Argentella è di e fanghe rosse a prutezzione di l'ambiente hè in core di e primure di u populu corsu ;

CUNSIDERENDU chì u sviluppu economicu di a Corsica s'arremba assai nantu à l'agricultura, l'ambiente, u patrimoniu è u turisimu è chì si truverianu colpiti da a distruzzione di una bella parte di u so ambiente ;

CUNSIDERENDU i ligami chì uniscenu u populu corsu à a so terra, i so fiumi è più particularmente u fiume Tavignanu ;

CUNSIDERENDU a minaccia chì pesa nantu à u dirittu fundamentale di l'accessu à l'acqua di u populu corsu ;

CUNSIDERENDU chì u Statu ùn hà tenutu contu di l'avisu definitivu di i so servizii nemancu quellu di u Cunsigliu departimentale di l'ambiente è di i risichi sanitari è tecnologichi ;

CUNSIDERENDU chì u Statu hà autorizatu di modu deliberatu u prugettu di u centru di sutterramentu di Ghjuncaghju, senza fà appellu di a decisione di u Tribunale Amministrativu ;

CUNSIDERENDU chì malgratu un'uppusizione forte, u Cunsigliu di Statu hà validatu pocu fà l'autorizzazione di sfruttà u locu ;

CUNSIDERENDU u periculu di a stallazione d'un CET, privede du u sottuterramentu, in quantità considerèvule, di frazi casani o assimilati, ma dinù di frazi è terre tigliose nant'à e sponde di u fiume ;

CUNSIDERENDU l'impurtanza di sviluppà un'agricultura di pruduzione in Corsica è di garantisce di manera durèvule a securità alimentaria nant'à tuttu u territoriu ;

CUNSIDERENDU à necessità maiò di sustene l'attività è e culture dinamiche sottu à u situ di Ghjuncaghju, frà è quale u rimarchevule arburetu d'agrumi ;

CUNSIDERENDU chì l'utilizazione di a risorsa idrica per l'agricultura custituisce 70% di l'adopri di e risorse in acqua, è ch'una sensibilisazione hè in corsu per mette in opera nove pratiche culturale permettendu à sò uttimisazione;

CUNSIDERENDU l'indispensevule complementu di a risorsa di u Tavignanu per alimentà l'agricultura nant'à tuttu u territoriu di a Piaghja Orientale, cù una pruduzione annuale mezzana di 4 milioni di metri cubi destinati à l'irrigation è à l'alimentazione di l'animali.

CUNSIDERENDU ch'elle esistenu suluzione saniccie di gestione di i frazi, è ch'elle devenu esse messe in ballu u più prestu pussibile ;

CUNSIDERENDU chì a gestione di i frazi ùn puderà cagiunà a malavia di u nostru patrimoniu cumunu ;

CUNSIDERENDU a crescita demografica in Corsica chì arrega a crescita di a pruduzione di frazi ;

CUSCENTE di l'impronta ecologica, suciale è culturale di fiume Tavignanu ;

CUSCENTE chì fiume Tavignanu hè di primura per l'attività agricole, a silvicultura è a pesca ;

L'ASSEMBLEA DI CORSICA

SUSTENE a dichjarazione di i diritti di fiume Tavignanu di u 29 di lugliu 2021 ;

RICUNNOSCE u rollu eminentemente strategicu di u fiume Tavignanu in u quattru di l'attività umane, suciale, ecunomiche, scientifiche è patrimoniale ;

RICUNNOSCE Tavignanu da entità viva è indivisibile da l'ochju sinu à a foce, delimitata da u so bacinu versante è dispunendu di a persunalità ghjuridica ;

RIAFFERMA a natura trasversale di l'acqua chì, cù a so piazza, in core à e strategie d'adattamento à u cambiamentu climaticu, necessiteghja di sviluppà mètodu di prutezzione è di gestione chì priservanu di manera durèvule a risorsa in un cuntestu di rarificazione è di pressione;

PIAZZA a riduzione di i risichi liati à a pussibile stallazione d'ogni struttura potenzialmente minacciante per u fiume in priurità assoluta ;

DUMANDA à u Presidente di u Cunsigliu esecutivu di Corsica d'assucià si à tutte l'azzione messe in opera da u Cullettivu Tavignanu vivu, Umani è l'associu Terres de lien Corsica – Terra di u cumunu, purtadori di a Dichjarazione di i Diritti di fiume Tavignanu di u 29 di lugliu 2021 ;

DUMANDA chì u Presidente di u Cunsigliu esecutivu di Corsica si possa assucià à tutte l'azzione battendu à prò di u principiu di precauzione per e situazione simile.